

Salamu kwa Familia ya Wilaya ya Shule za Kaunti ya DeKalb (DCSD),

Ninatumaini kwamba wiki yako ijayo ni nzuri licha ya changamoto zilizopo za kijamii ambazo tunakumbana nazo kwa sasa. DCSD inafahamu athari ya upungufu wa mafuta kwa wafanyakazi na familia zetu; kwa hivyo, maafisa wa shule wanafuatilia kwa karibu hali hii ili kutoa maamuzi kwa wakati unaofaa.

Kama hatua ya tahadhari pekee, wafanyakazi wanapaswa kubeba rasilimali, vifaa, na nyenzo nyumbani kila siku iwapo wilaya ya shule itahamia kwa mazingira ya kufanya kazi na kusoma mtandaoni. Huku mwisho wa mwaka ukikaribia kwa haraka, tunataka tuwe tumejiandaa kuendelea kuwaunga mkono wanafunzi, wafanyakazi na familia zetu mtandaoni ikiwezekana. Bofya [hapa](#) kutafuta mafuta katika eneo lako.

Habari Njema

Wanafunzi na wafanyakazi wetu wanaendelea kutufanya tujivunie tunapokuwa tukikaribia mwisho wa mwaka wa masomo.

Ninataka kupongeza Shule ya Msingi ya Rowland, ambayo ilikuwa moja ya [wapokeaji wa ruzuku](#) wa mpango wa 2021 Georgia United Foundation School Crasher. School Crashers ndio mpango mkuu zaidi wa huduma ya jamii ya Wakfu ambayo inazipa shule katika jimbo nafasi ya kuomba kukarabatiwa kwa vituo vya shule.

Ruzuku za School Crashers na Mohawk Carpet zitasaidia kuboresha kituo cha media cha Rowland kwa sakafu, rangi na viti vyenye starehe vilivyokarabatiwa. Kituo cha media kitakuwa kitovu cha shule huku kikibadilishwa kuwa nafasi nzuri, maridadi na chenye starehe kwa wanafunzi kukuza upendelo wao wa kusoma. Hongera tena kwa wanafunzi, walimu na wafanyakazi wa Rowland!

Ninafuraha kutangaza kwamba mmoja wa wanafunzi wetu amkuwa mpokeaji wa [Msaada wa masomo](#) wa Amazon Future Engineer. Mwanafunzi wa Shule ya Upili ya Cedar Grove, Etimfon Bassey, alipokea msaada wa masomo wa miaka minne wa \$ 40,000 na ukufunzi uliohibitishwa katika Amazon baada ya mwaka wake wa kwanza katika chuo cha elimu. Hongera kwa Etimfon kwa msaada huu wa ajabu wa masomo na ukufunzi kutoka Amazon!

Ninataka pia kumpongeza mwanafunzi wa Shule ya Msingi ya Arabia Mountain, Niana Battle kwa kukubaliwa kwake hivi majuzi katika moja wapo ya nafasi 25 za Mpango wa Ukufunzi wa Atlanta Bar Association Summer Law! Mpango huu unatoa nafasi za majira ya joto kwa wanafunzi wa shule ya upili ya Atlanta ambao wanataka kujifunza mengi kuhusu taaluma ya kisheria. Hongera Niana!

Daima ni furaha yangu kuona ndoto za wanafunzi na wafanyakazi wetu zikitimia. Nilijawa na furaha sana kumwona mlezi mkuu wa Shule ya Msingi ya Hightower [Bw. Tylan Bailey](#) akitimiza lengo lake la kuhitimu kutoka chuo cha elimu na digrii ya elimu na kuwa mwalimu wa elimu ya mazoezi ya mwili.

Tunashukuru kwa kila kitu alichotoa kwa jamii ya Shule ya Hightower kupitia majukumu yake ya ulezi na tunatazamia kumwona akiendelea kuleta mabadiliko mazuri kwa wanafunzi wetu kama mwalimu wa PE. Hongera Bw. Bailey!

Hongera tena kwa Idara ya Mawasiliano kwa kushinda tuzo mbili ziada katika Tuzo za Mawasiliano za 27th Annual Communicator. Pamoja na kushinda [Award of Excellence for Corporate Communications-Annual Report](#) kwa kazi yake kuhusu [Ripoti ya Siku 100](#) za msimamizi, timu pia ilishinda Tuzo mbili za Kipekee kwa video yake ya muziki ya [“Wave Them Bows”](#), ambayo iliundwa ili kuhimiza jamii ya shule kuwa salama wakati wa janga hili, na hata pia Zana za kindani za Mawasiliano kwa wafanyakazi ili kuhakikisha mawasiliano muafaka.

Kuboresha mawasiliano ni kipaumbele cha wilaya. Tunashukuru kwa kutambua kazi yetu ngumu na kuthaminiwa kati ya mashirika mengine maarufu!

Mswada wa 293 wa Seneti

Mnamo tarehe 13 Mei, nilikuwa na fursa ya kujiunga na Mwenyekiti wa Bodi ya Shule za Kaunti ya DeKalb, Vickie B. Turner, na maafisa kutoka kwa Jiji la Shule za Decatur na Kaunti ya DeKalb kusheherekea kupitishwa kwa Mswada wa 293 wa Seneti baada ya miaka mingi ya majadiliano ili kutenga fedha kwa wanafunzi na familia za Kaunti ya DeKalb na Jiji la Decatur. Kama matokeo ya kupitishwa kwa Mswada wa 293 wa Seneti, wakati wowote kuna utwaaji na Jiji la Decatur, DCSD itafanya kazi kwa pamoja na Shule za Jiji la Decatur kupitia kuundwa kwa Kamati ya Ushirikiano wa Huduma kwa Wanafunzi, ambayo itakuwa na wanachama watatu walioteuliwa na Bodi ya Elimu ya Kaunti ya DeKalb na wanachama watatu walioteuliwa na Bodi ya Elimu ya Shule za Jiji la Decatur.

Usambazaji wa rasilimali zaidi za usawa kwa wanafunzi wetu husalia kuwa kipengele kikuu cha utetezi na maamuzi yetu, na utwaaji huu bila shaka utakuwa na matokeo makubwa kwa uwezo wetu wa kutoa rasilimali zaidi kwa wanafunzi wetu. Tunapongeza ushirikiano kati ya Kaunti ya DeKalb, Jiji la Decatur, na Bunge la Kaunti ya DeKalb na Ujumbe wa Seneti kwa uongozi na juhudi zao katika kupata fedha hizi kwa ajili ya mustakabali wa wanafunzi wetu.

Mikutano ya Town Hall

Ninataka kualika familia zetu kujiunga nasi katika mikutano yetu ya mtandaoni ya Town Hall mnamo Alhamisi, Mei 20, kuanzia saa 6 p.m. hadi 7 p.m. Nasubiri sana kushiriki na nyinyi maendeleo tunayofanya katika wilaya na kupokea mchango wenu. Kwa maelezo zaidi, bofya [hapa](#).

Siku ya Kuwa Nje

Wiki iliyopita, nilikuwa na siku ya kufana ya kufungua rasmi Maktaba ya Little ya Shule ya Msingi ya Stoneview! Ninataka kuwashukuru washirika wetu wa State Farm kwa ruzuku yao na kuwezesha

ununuzi wa Maktaba ya Little. Ninatamani sana kuona jinsi mradi huu utakavyounda jamii yetu na kuhimiza wanafunzi wetu kusoma.

Graduation Central

Siku ya kuhitimu imewadia! Ninatamani sana kuanza kusheherekea wanafunzi wetu wanaohitimu wikendi hii na wiki ifuatayo. Tafadhali tembelea tovuti yetu ya [Graduation Central](#) ili utazame maelezo zaidi kuhusu habari na taarifa za kuhitimu, na kutazama maadhimisho. Pia, tafadhali bofya [hapa](#) ili utazame Toleo Maalum la Val Sal la jarida la “We Are DCSD”.

Siku ya Kuwashukuru Wauguzi

Mnamo tarehe 12 Mei, tulisheherekea Siku ya Wauguzi wa Shule katika wilaya. Tunawathamini na kuwashukuru wauguzi wetu wa shule katika DCSD wanaowahudumia wanafunzi wetu. Asante kwa kuhakikisha kwamba wanafunzi wetu wana afya na wamejiandaa vizuri kusoma!

Baraza la Ushauri wa Jamii la Msimamizi

Mwaka huu uliopita wa shule, nilikuwa na fursa ya kufanya kazi na kundi la viongozi wa jamii waliohudumu katika Baraza la Ushauri wa Jamii la Msimamizi Kundi hili lilifanya kazi bila kuchoka kuwadia jamii yao ili kutoa msaada, mwongozo, na uongozi kuhusu masuala ya Wilaya ya maslahi ya kielimu, utendakazi, na kifedha. Mkutano wetu uliopita wa mwaka wa masomo ulifanywa tarehe 11 Mei. Ulikuwa wa kufana sana. Tunatazamia kuwaleta pamoja wanachama wa kundi hili majira hata ya joto kwa mazungumzo ya kundi ndogo. SCAC itakutanika tena kwa mwaka wa masomo wa 2021-2022.